



**Neka bude ponižen čovjek u čijem prisustvu budem spomenut, a on na mene ne donese salavat. Neka bude ponižen čovjek koji dočeka ramazan, zatim ga isprati, a ne bude mu oprošteno. Neka bude ponižen čovjek čiji roditelji dočekaju starost, a on zbog njih ne uđe u Džennet**

Od Ebu Hurejre, radijallahu anhu, prenosi se da je Allahov Poslanik, sallallahu alejhi ve sellem, kazao: "Neka bude ponižen čovjek u čijem prisustvu budem spomenut, a on na mene ne donese salavat. Neka bude ponižen čovjek koji dočeka ramazan, zatim ga isprati, a ne bude mu oprošteno. Neka bude ponižen čovjek čiji roditelji dočekaju starost, a on zbog njih ne uđe u Džennet."

[Vjerodostojan]

Poslanik, sallallahu alejhi ve sellem, dovio je protiv tri grupe ljudi. U hadisu je konkretno korišten izraz da im nosevi budu zabodeni u prašinu, što simbolizira poniženje, sramotu i gubitak. Prva grupa: Oni kojima je spomenuto ime Poslanika, sallallahu alejhi ve sellem, a nisu mu uputili salavate: Sallallahu alejhi ve sellem, ili slično tome. Druga grupa: Oni koji dožive ramazan, isprate ga, a onda im ne bude oprošteno jer su bili nemarni u obavljanju ibadeta. Treća grupa: Osoba koja je imala oba roditelja živa u njihovoj starosti, ali joj to nije bio razlog ulaska u Džennet, jer im nije bio pokoran i jer je zanemarivao njihova prava.

<https://www.sunnah.global/hadeeth/bs/show/6014>